

摘藻堂四庫全書薈要

集部

欽定四庫全書蒼要卷一萬八千七百十七

集部

御定佩文齋詠物詩選卷九十五

渚類

五言古

和徐都曹出新亭渚

齊謝朓

宛洛佳遨遊春色滿皇州
結軫青郊路迴瞰蒼江流
日華川上動風光草際浮
桃李成蹊徑桑榆蔭道周
東都已倣載言歸望綠疇

至牛渚憶魏少英

梁 王僧孺

楓林暖似畫沙岸淨如掃空籠望懸石回斜見危島綠
草閒遊蜂青葭集輕鴉徘徊洞初月浸滄瀆春潦非願
歲物華徒用風光好

曉入宜都渚

唐 閻 寬

問俗周楚甸川行渺江潯興隨曉光發道會春言深回
眺佳氣象遠懷得山林佇應舟楫用曷務歸閒心

五言律

後渚置酒

唐陳叔達

大渚初驚夜中流
沸鼓鞳寒沙滿曲浦
夕霧上耶谿岸
廣鳧飛急雲深鴈度低
嚴關猶未遂此夕待晨雞

銅官渚守風

唐杜甫

不夜楚帆落避風
湘渚間水耕先浸
草春火更燒山早
泊雲物晦逆行
波浪慳飛來雙白鶴
過去杳難攀

枉渚

元薛漢

枉渚倚孤棹
意行隨杖藜
鷗邊漁艇小
牛後牧童低
秋

色多因樹寒聲半是谿
何當買茅屋此地卜幽棲

七言絕句

牛渚

唐胡曾

溫嶠南歸輟棹晨然犀
牛渚照通津誰知萬丈洪流下
更有朱衣躍馬人

竈渚

宋范成大


白魚出水卧銀刀
紫筍堆盤脫錦袍
捫腹將軍猶未快
掉船西岸摘萋蒿

欽定四庫全書

御定詠物詩選
卷九十五



御定佩文齋詠物詩選卷九十五



總校官庶吉士臣侍朝

校對官中書臣王璵

校對官編修臣周厚轅

騰錄監生臣史映綵

騰錄監生臣沈東昇

欽定四庫全書會要

集部

御定詠物詩選卷

九十六至
一百三

詳校官原任主事_臣李斯咏

欽定四庫全書薈要卷一萬八千七百十八

集部

御定佩文齋詠物詩選卷九十六

浦類

五言古

入澗浦

梁簡文帝

泛水入迴塘空枝度日光竹垂懸掃浪鳧疑遠避檣

夕逗繁昌浦

梁劉孝綽

日入江風靜安波似未流岸迴知舳轉纜解覺船浮暮

煙生遠渚夕鳥赴前洲
隔山聞戍鼓傍浦喧棹謳
疑是辰陽宿于此逗孤舟

七言古

泊冷水浦

宋楊萬里

前夕放船湘口步約到衡州
來日午五程一減作三程
謝渠江漲半篙清今日雨來
三四五又閉疎篷聽暮雨
長年商量泊舟所雨外青山
更青處

五言律

晚投江澤浦即事呈柳兵曹

唐 耿 漳

落日過重霞輕煙上遠沙移舟衝荇蔓轉浦入蘆花斷
岸紆來客連波漾去槎故鄉何處在更道向天涯

滿浦

宋 梅堯臣

馬頭攬岸斗燕尾泊船齊風送寒潮急雲藏晚日低逢
人多楚語問客煮吳雞難覓枚臯宅蕪葭處處迷

五言絕句

秋浦歌

唐 李 白

秋浦錦駝鳥人間天上稀
山雞羞淥水不敢照毛衣

其二

愁作秋浦客強看秋浦花
山川如剡縣風日似長沙

其三

桃波一步地了了語聲聞
閭與山僧別低頭禮白雲

其四

邏人橫鳥道江祖出魚梁
水急客舟疾山花拂面香

其五

水如一匹練此地即平天耐可乘明月看花上酒船

其六

淶水淨素月月明白鷺飛郎聽採菱女一道夜歌歸

其七

秋浦田舍翁採魚水中宿妻子張白鷗結罟映深竹

東浦夜泊

明謝績

日落潮生浦天空月上沙歸舟與飛鳥相趁入蘆花

七言絕句

浦中夜泊

唐白居易

閣上江隄還獨坐
水風霜氣夜稜稜
回看深浦停舟處
蘆荻花中一點燈

過女兒浦

元鄭韶

浦口寒煙生白波
蘆花風急棹舟過
人家一路青山下
只有秋田落鴈多

舟次橫浦

明僧德清

五雲一水入南安
萬疊山迴六六灘
行到水窮山盡處

梅花無數嶺頭看

御定佩文齋詠物詩選卷九十六

欽定四庫全書薈要卷一萬八千七百十九

集部

御定佩文齋詠物詩選卷九十七

谿類

五言古

將遊湘水尋句谿

齊

謝朓

既從陵陽釣挂鱗
駮赤螭方尋桂水
源謁帝蒼山垂辰
哉且未會乘景弄
清漪瑟汨瀉長淀
潺湲赴兩岐輕蘋
上靡靡雜石下離
離寒草分花映戲
鮪乘空移興以暮

秋月清霜落素枝
魚鳥余方翫
纓綏君自縻
及茲暢懷
抱山川長若斯

入若耶谿

梁王籍

舳舻何泛泛
空水共悠悠
陰霞生遠岫
陽景逐迴流
蟬噪林逾靜
鳥鳴山更幽
此地動歸念
長年歎倦遊

入若耶谿

唐崔顥

輕舟去何疾
已到雲林境
起坐魚鳥間
動搖山水影
巖中響自答
谿裏言彌靜
事事令人幽
停橈向餘景

姑孰谿

唐

李白

愛此谿水閒乘流興無極漾楫怕鷗驚垂竿待魚食波
翻曉霞影岸疊春山色何處浣紗人紅顏未相識

青谿

唐

王維

言入黃花川每逐青谿水隨山將萬轉趨途無百里聲
喧亂石中色靜深松裏漾漾泛菱苳澄澄映葭葦我心
素已閒清川澹如此請畱盤石上垂釣將已矣

春泛若耶谿

唐

綦毋潛

幽意遠無盡此去隨所偶晚風吹行舟花落入谿口際
夜轉西壑隔山望南斗潭煙飛溶溶林月低向後生事
且瀰漫願為持竿叟

泛若耶谿

唐丘為

結廬若耶裏左右若耶水無日不釣魚有時向城市谿
中水流急渡口水流寬每得樵風便往來殊不難一川
草長綠四時那得辨裋褐衣妻兒餘糧及雞犬日暮鳥
雀稀稚子呼牛歸住處無鄰里柴門獨掩扉

緱氏尉沈興宗置酒南谿

唐王昌齡

林色與谿古深篁引幽翠山樽在漁舟棹月情已醉始
窮清源口壑絕人境異春泉滴空崖萌草圻陰地久之
風榛寂遠聞樵聲至海鴈時獨飛永然滄洲意古時青
冥客滅跡淪一尉吾子躊躇心豈其紛埃事緱岑信所
尅濟北余乃遂齊物意已會息肩理猶未卷舒形性表
脫略賢哲議仲月期角巾飯僧嵩陽寺

尋東谿還湖中作

唐劉昫虛

出山更回首日暮清谿深東嶺新別處數猿叫空林昔
遊初有跡此路還獨尋幽興方在往歸懷復為今雲峰
勞前意湖水成遠心望望已超越坐鳴舟中琴

月谿與幼遐君貺同遊

唐

韋應物

岸篠覆迴谿迴谿曲如月沈沈水容淥寂寂鶯聲歇淺
石方凌亂遊禽時出沒半雨夕陽霏緣源雜花發明晨
重來此同心應已闕

和皇甫判官遊琅琊谿

唐

孟郊

山中瑤璃境物外琅琊谿房廊逐巖壑道路隨高低碧
瀨漱白石翠煙含青蛻客來暫遊踐意欲忘簪珪樹杪
燈火夕雲端鐘梵齊時同雖可仰跡異難相攜唯當清
宵夢髣髴願攀躋

奉陪侍中遊石筍谿

唐

盧綸

朝日照靈山山谿浩紛錯圖秦無舊記紀禹應新鑿雙
壁瀉天河一峰吐蓮萼潭心亂雪卷巖腹繁珠落彩蛤
攢錦囊芳蘿蝸花索猿羣曝陽嶺龍穴腥陰壑靜得漁

者言閒聞洞仙博歌松倚朱幃廣石屯油幕國泰事畱
侯山春縱康樂間闕殊狀鳥爛熳無名藥欲驗少君方
還吟大隱作旌幢不可駐古塞新沙漠

下牢谿

宋

歐陽脩

隔谷聞谿聲尋谿度橫嶺清流涵白石靜見千峰影巖
花無時歇翠柏鬱何整安能戀潺湲俯仰弄雲景

宿樊谿

宋

張耒

黃州望樊山秀色如可鑒扁舟橫江來山脚繫吾纜大

川失洶湧淺水澄可攬北風吹疎雨夜枕舟屢撼齊安
不可望滅沒孤城暗奔流略谿口龍脣屢窺瞰平生千
金質戒懼敢忘暫茲遊定何名耿耿有餘念

泛舟西谿

元劉因

萬山倒滄浪一葉凌嵯峨嵯峨為飛舞翠影如婆娑輕
陰散雨足淨綠生圓波人間碧海幻老眼青銅磨風雲
幾千古辦此雨一蓑谿南有幽人鼓櫂前山阿煙深渺
無處月色浮松蘿

自衢州至蘭谿

明 劉基

秋郊斂微雨霽色澄人心振策率廣路逍遙散煩襟疎
煙帶平原薄雲去高岑湛湛水凝碧離離稻垂金薺麥
霜始秀玄蟬寒更吟幽懷耿虛寂好景自相尋心契清
川流目翫嘉樹林歌傳滄浪調曲繼白雪音仙山在咫
尺早晚期登臨

碧谿

明 顧璘

落落高梧陰俯瞰寒流碧微雲過疎雨秋容澹無迹魚

遊綠藻晴鳥下青蕪夕興至每垂綸歌罷還岸幘漁父
兩三人時來共爭席

渡雙谿

明

薛瑄

雙谿始合流崖緒遂經復洄潭一鏡平秋影空寒綠野
渡得孤航山家帶喬木適意方自茲前呵戒童僕撫景
重悠然誰能知斯曲

七言古

入少密谿

唐

沈佺期

雲峰苔壁繞谿斜江路香風夾岸花樹密不言通鳥道
雞鳴始覺有人家人家更在深巖口澗水周流宅前後
游魚瞥瞥雙釣童伐木丁丁一樵叟自是避喧非避秦
薜衣耕鑿帝堯人相畱且待雞黍熟夕卧深山蘿月春

說洄谿招退者

唐元結

長松亭亭滿四山山間乳竇流清泉洄谿正在此山裏
乳水松膏常灌田松膏乳水田肥良稻苗如蒲米粒長
糜色如玳玉液酒酒熟猶聞松節香谿邊老翁年幾許

長男頭白孫嫁女問言只食松田米無藥無方向人語
浯谿石下多泉源盛暑大寒冬大溫屠蘇宜在水中石
洄谿一曲自當門吾今欲作洄谿翁誰能住我舍西東
勿憚山深與地僻羅浮尚有葛仙翁

罨畫谿行

宋
孫覲

老牯浮鼻水中歸綵雉應媒桑下飛蘿菀冥冥山四起
數家雞犬煙樹裏一支新綠漲晴溝楊柳中間繫小舟
罨畫谿頭鳥鳥樂呼風喚雨不能休

其二

蝶趁花飛爭入坐倚空百尺游絲墮亂山銜日半船明
斷雲載雨前邨過蕨芽戴土小兒拳漁市人歸柳貫鮮
罨畫谿頭人語好烹魚煮蕨餉春田

其三

沙頭綠暗已藏鴉竹裏猶殘一兩花蝸廬抱柳開新國
燕語窺簾憶舊家春風有信自年年罨畫谿邊柳繫船
陶情滿酌酒如泉醉與長瓶藉草眠

其四

翠木蒼藤繚白沙
槿籬茅店野人家
了無狡兔營三窟
只有黃蜂趁兩衙
樹頭獵獵酒旗風
罨畫溪邊賣酒翁
銀瓶快瀉清若空
令君一笑面生紅

曉泊蘭谿

宋

楊萬里

金華山高九天半
夜雪裝成珠玉案
蘭谿水清千頃強
朔風凍作瑤璃缸
日光雪光兩相射
老眼看來忘南北
恨身不如波上鷗
脚指為楫身為舟
恨身不如沙上鴈

蘆花作家梅作伴折綿冰酒未是寒曉寒直欲冰我肝
急閉箬篷擁爐去竹葉梨花十分注

餘不谿詞

元倪瓚

餘不谿水涵綠賞微風吹波感龍鱗看山蕩槳不知遠
兩岸桃花飛接人谿迴路轉松風急竹林華房霞氣濕
忽逢道士頽而長疑是韓國張子房相期飄拂紫煙裏
下攬滄溟浮玉觴

賦清谿

元郭鈺

清谿之水抱幽谷盤渦細浪相逐蹙半篙晴日蕩金鱗
一帶秋煙溜寒玉谿上仙翁絕塵俗開門俯谿飲谿綠
白鳥飛來明鏡中垂楊鎖斷闌干曲窈窕春花亞脩竹
脩竹何人共碁局紫蘿為蓋草為褥如輞川圖懸一幅
嗟我早年厭羈束五湖風月醉心目祇今是處鯨波靜
把釣從君事亦足

五言律

泛鏡湖南谿

唐

宋之問

乘興入幽棲舟行日向低巖花候冬發谷鳥作春啼
嶂開天小叢篁夾路迷猶聞可憐處更在若耶谿

酬萬八賀九雲門下歸谿中作

唐孫逖

晚從靈境出林壑曙雲飛稍覺清谿盡迴瞻晝刹微
獨園餘興在孤棹宿心違更憶登攀處天香滿袖歸

終南東谿中作

唐岑參

谿水碧於草潺潺花底流沙平堪濯足石淺不勝舟
洗

藥朝與暮釣魚春復秋興來從所適還欲向滄洲

武陵泛舟

唐孟浩然

武陵川路狹前棹入花林莫測幽源裏仙家信幾深水
迴青嶂合雲渡綠谿陰坐聽閩猿嘯彌清塵外心

宿黑竈谿

唐張籍

夜到碧谿裏無人秋月明逢幽便移宿取伴亦探行花
下紅泉色雲中乳鶴聲明朝記歸處石上自書名

白雲谿

唐吳鞏

山徑入幽篁深林蔽日光夏雲生嶂遠瀑水引谿長秀
跡逢皆勝清氛坐轉涼回看玉樽夕歸路賞難忘

欽定四庫全書

御定詠物詩選
卷九十七

十一

泛谿

唐朱慶餘

曲渚迴花舫生衣卧向風鳥飛谿色裏人語棹聲中餘
舟纔分影新蒲自作叢前灣更幽絕雖淺去猶通

泛谿

唐項斯

谿船泛渺瀰漸覺減炎輝動水花連影逢人鳥背飛深
猶見白石涼好換生衣未得多詩句終須隔宿歸

藍谿夜坐

唐張喬

藍水滄塵夢夜吟開草堂月臨山靄薄松滴露花香詩
外真風遠人間靜興長明朝訪禪侶更上翠微房

處州洞谿

唐方干

氣象四時清無人畫得成衆山寒疊翠兩派綠分聲坐
月何曾夜聽松不似晴混元融結後便有此谿名

谿行即事

唐僧靈一

近夜山更碧入林谿轉清不知伏牛地潭洞何縱橫曲

欽定四庫全書

御定詠物詩選
卷九十七

十二

岸煙初合平湖月未生孤舟屢失道但聽秋泉聲

送崔主簿赴睦州清谿

宋梅堯臣

舟輕不畏險逆上子陵灘七里峽天翠千重雲木寒古
祠鳴野鳥亂石激春湍正與高懷愜寧歌行路難

宿蘭谿水驛前

宋楊萬里

繫纜蘭谿岼開襟柳驛窗人爭趨夜市月自落秋江燈
火疎還容帆檣隻更雙平生經此縣今夕駐孤幢

其二

水色秋逾白山光夜不青一眉畫天月萬粟種江星小
酌居然醉當風不覺醒誰家教兒子清誦隔疎櫺

茗谿

元戴表元

六月茗谿路人言似若耶漁罾挂椶樹酒舫出荷花碧
水千塍共青山一道斜人間無限事不厭是桑麻

谿上

明應亮

清谿流不極林際帶疎鐘鳥道連山屋灘聲落水春漲
消新有岼雲起本多峰遙對猿啼峽鄉闕煙樹重

南谿晚歸

明高啓

流水出雲根遙通古寺門
山深僧少俗人靜市如邨
馬渡知長淺魚行見不渾
多情谿上月歸路照黃昏

谿上

高啓

秋色共谿長遊人笑語涼
萍開天倒影蓮墮水流香
魚畱和星漉禽置帶雨張
從今搖桂棹不必問瀟湘

五言排律

奉酬韋祭酒自湯井還都經龍門北谿壯見贈

之作

唐張說

聞君湯井至瀟灑憩郊林拂曙攜清賞披雲覲綠岑歡
言遊覽意款曲望歸心是日期佳客同山忽異尋桃源
花路轉楊柳澗門深泛舟伊水漲繫馬香樹陰繁絃弄
水族嬌吹狎沙禽春滿河光媚景斜嵐氣侵懷仁殊未
遠重德匪專臨來藻敷幽思連詞報所欽

和處州韋使君新開南谿

唐朱慶餘

地理光圖識樵人共說深悠然想高躅坐使變荒岑疏

鑿因殊舊亭臺亦自今靜容猿暫下閒與鶴同尋轉旆
馴禽起褰帷瀑溜侵石稀潭見底嵐暗樹無陰躋險難
通屐攀棲稱抱琴雲風開物意潭水識人心攜榼尋花
遍移舟惜景沉世嫌山水僻誰伴謝公吟

西蜀淨衆寺松谿八韻兼寄崔處士

唐
鄭谷

谿因松得名松吹答谿聲繚繞能穿寺幽竒不在城寒
煙齋後散春雨夜中平染岸蒼苔古翹沙白鳥明澄分

僧影瘦光徹客心清帶梵侵雲響和鐘擊石鳴澹烹新茗爽暖泛落花輕此景吟難盡憑君畫入京

泛五雲谿

唐許渾

此谿何處路遙問紫髯翁佛廟千巖裏人家一島中魚傾荷葉露蟬噪柳林風急瀨鳴車軸微波漾釣筒石苔縈棹綠山果拂舟紅更就前谿宿却橋與剡通

六言律

春日西谿即事

明僧道衍

雲斷山峰遠，遠樹迴谿路。斜斜酒旗風，颺邨店牛衣。日
曬田家喚婦鳩，藏密竹引雛鴨。聚圓沙人晚棹，歌歸去
爭先去折汀花。

其二

人家半依沙，背舟子長停。岼足楊柳三株五株，桃花一
簇兩簇。斜陽澹澹，牽黃遠水盈盈。漲綠老翁忘却投綸，
因看晴鷗對浴。

七言律

題裴處士碧虛谿居

唐王 建

鳥聲真似深山裏平地人間也
不同春圃紫芹長卓卓
暖泉青草一叢叢松臺前後花
皆別竹崦高低水盡通
細問來時從近遠谿名載入縣
圖中

谿上行

唐溫庭筠

綠塘漾漾烟濛濛張翰此來情
不窮雪羽離襪立倒景
金鱗潑刺跳晴空風翻荷葉一向
白雨濕蓼花千穗紅
心羨夕陽波上客片時歸夢釣
船中

夜雪泛舟遊南谿

唐 韋 莊

大江西面小谿斜，入竹穿松似若耶。
兩岸巖風吹玉樹，一灘明月曬銀砂。
因尋野渡逢漁舍，更泊前灣上酒家。
去去不知歸路遠，棹聲煙裏獨嘔啞。

酬張器判官泛谿

宋 歐陽脩

園林初夏有清香，人意蕭閒味愈長。
日暖魚跳波面靜，風輕鳥語樹陰涼。
野亭飛蓋臨芳草，曲渚迴舟帶夕陽。
所得平時為郡樂，况多佳客共銜觴。

沂谿

宋 陸游

射的峰前禹廟東，短篷三扇臥衰翁。
閒攜清聖濁賢酒，重試朝南暮北風。
水落痕畱紅蓼節，雨來聲滿綠蒲叢。
衝煙莫作怱怱去，擬看谿丁下釣筒。

冷巖公柳谿

金 劉 中

斗印輕拋繫肘金，故園風物動歸心。
柳含煙翠絲千尺，水寫天容玉一尋。
山色只於閒裏好，風波不似向來深。
人間桃李栽培滿，換得谿南十畝陰。

過五谿

元薩都拉

萬壑泉聲下五溪，小涼天氣下谿時。
相逢橋上無非客，行盡江南都是詩。
苦雨最嫌鳩喚急，愛山不厭馬行遲。
幾時宿向華峰頂，露月蕭蕭生桂枝。

桃谿夜泊

明陸弼

清霜夜落武陵谿，水上蒼烟十丈齊。
野爨冷燒紅葉火，邨春寒接五更雞。
不眠枕上多新得，所過山中有舊題。
起問昨宵沽酒處，人家只在小橋西。

谿上

明張泰

谿上閒行日未斜
石橋南北見桃花
避人魚入深深水
傍母鳧眠淺淺沙
渡口孤舟依野店
磯頭一徑到漁家
何時謝却塵中事
來就田園學種瓜

五言絕句

谿上

唐顧况

採蓮谿上女
舟小怯搖風
驚起鴛鴦宿
水雲撩亂紅

六言絕句

剡谿舟行

唐朱放

月在沃洲山上人歸剡縣谿邊
漠漠黃花覆水時時白
鷺鷥船

七言絕句

桃花谿

唐張旭

隱隱飛橋隔野煙石磯西畔問漁船
桃花盡日隨流水
洞在清谿何處邊

蘭谿棹歌

唐戴叔倫

涼月如眉挂柳灣
越中山水鏡中看
蘭谿三日桃花雨
半夜鯉魚來上灘

和韓吏部泛南谿

唐
賈島

谿裏晚從池岸出
石泉秋急夜聲聞
木蘭船共山人上
月映渡頭零落雲

夜泊荆谿

唐
陳羽

小雪已晴蘆葉暗
長波乍急鶴聲嘶
孤舟一夜宿流水
眼看山頭月落谿

池州清谿

唐杜牧

弄谿終日到黃昏
照數秋來白髮根
何物賴君千遍洗
筆頭塵土漸無痕

谿興

唐杜荀鶴

山雨谿風捲釣絲
瓦甌篷底獨斟時
醉來睡著無人喚
流下前灘也不知

若耶谿上

宋陸游

九月霜風吹客衣
谿頭紅葉傍人飛
邨場酒薄何妨醉

菰正堪烹蟹正肥

蘭谿舟中

元 薩都拉

水底霞天魚尾赤
春波綠占白鷗汀
越船一葉蘭谿上
載得金華一半青

小谿

元 劉秉忠

小谿流水碧如油
終日忘機羨白鷗
兩岸桃花春色裏
可能容箇釣魚舟

桃谿

明 魯鐸

世路悠悠已倦遊
桃谿深處草堂幽
東風自解幽人意
不遣飛花逐水流

越來谿

明
葛一龍

草煙綠湊柳垂低
橋對斜陽墮影西
聽罷情歌聽啼鳥
吳船搖過越來谿

荆谿

明
范汭

亂水聲中繫艇斜
月寒沽酒扣誰家
仙源咫尺不知處
紅葉吹來如落花

青谿

明 沈明臣

窈窕青谿盡日尋
雨收風歇翠沈沈
一雙燕子翻花出
始覺人家住隔林

御定佩文齋詠物詩選卷九十七

欽定四庫全書薈要卷一萬八千七百二十

集部

御定佩文齋詠物詩選卷九十八

澗類

五言古

從斤竹澗越嶺谿行

宋

謝靈運

猿鳴誠知曙谷幽光未顯巖下雲方合花上露猶泣
逶傍隈隩迢迢陟陁峴過澗旣厲急登棧亦陵緬川渚
屢徑復乘流玩迴轉蘋萍泛沈深菰蒲冒清淺企石挹

飛泉攀林摘葉卷想見山阿人薜蘿若在眼握蘭勤徒
結折麻心莫展情用賞為美事味竟誰辨觀此遺物慮
一悟得所遣

賦得曲澗

梁 劉孝威

澗流急易轉谿竹暗難開近樓俄已失前洲忽復迴石
岸生寒蘚沈根清水苔菱舟沿道去歸鳥迷徑來

西澗即事示盧陟

唐 韋應物

寢扉臨碧澗晨起澹忘情空林細雨至圓文徧水生永

日無餘事山中伐木聲
知子塵喧久暫可散煩襟

南澗中題

唐柳宗元

秋氣集南澗獨遊亭午時
迴風一蕭瑟林影久參差
始至若有得稍深遂忘疲
羈禽響幽谷寒藻舞淪漪
去國魂已游懷人淚空垂
孤生易為感失路少所宜
索寞竟何事徘徊祇自知
誰為後來者當與此心期

七言古

華林北澗

宋徐諤

總長潭兮括遠源下沈湍兮起輕泉迴谿浚兮曲沼阻
衝波激兮瀨濺濺貫九谷兮積靈芝飛清濤兮潔澄連

五言絕句

南澗

唐王 建

野桂香滿谿石莎寒覆水愛此南澗頭終日潺湲裏

小澗

宋朱 子

兩崖交翠陰一水自清瀉俯仰契幽情神襟頓飄洒

七言絕句

嘶水澗

左原之南有左嶺水北流入于原中水善嘶晴而嘶則雨雨而嘶則晴水忽鳴

忽止
曰嘶

宋
王十朋

嶺頭寒澗遠無聲
夜靜風恬忽自鳴
山水有靈人不識
老農常用卜陰晴

涉澗水作

宋
朱子

絕壑藤蘿貯翠煙
水聲幽咽亂峰前
行人但說青山好
望斷雲間雙髻仙

春日西澗獨立

明
周砥

澗房松竹靜烟霏
逕裏蒼苔行迹稀
相與尋君遂初賦
江花欲落換春衣

御定佩文齋詠物詩選卷九十八

欽定四庫全書薈要卷一萬八千七百二十一

集部

御定佩文齋詠物詩選卷九十九

潭類

五言古

旦發漁浦潭

梁

丘遲

漁潭霧未開赤亭風已颺
櫂歌發中流鳴鞞響沓嶂
邨童忽相聚野老時一望
詭怪石異象斬絕峰殊狀
森森荒樹齊析析寒沙漲
藤垂島易陟崖傾嶼難傍
信是永

幽棲豈徒暫清曠坐嘯昔有委卧治今可尚

早發漁浦潭

唐

孟浩然

東旭早光芒渚禽已驚聒卧聞漁浦口橈聲暗相撥日出氣象分始知江路闊美人常晏起照影弄流沫飲水畏驚猿祭魚時見獺舟行自無悶况值晴景豁

葛山潭

唐

孫逖

圓潭瀉流月清明涵萬象仙翁何時還綠水空蕩漾涼哉草木腓白露沾人衣猶醉空山裏時聞笙鶴飛

涇谿南藍山下有落星潭可以卜築余泊舟石

上寄何判官昌浩

唐

李白

藍岑竦天壁突兀如鯨額奔虜橫澄潭勢吞落星石沙
帶秋月明水搖寒山碧佳境宜緩棹清輝能畱客恨君
阻歡遊使我自驚惕所期俱卜築結茅鍊金液

春日遊羅敷潭

李白

行歌入谷口路盡無人躋攀崖度絕壑弄水尋迴谿雲
從石上起客到花間迷淹畱未盡興日落羣峰西

萬丈潭

唐杜甫

清谿合冥漠神物有顯晦龍依積水蟠窟壓萬丈內跼
步凌垠堦側身下煙靄前臨洪濤寬却立蒼石大山危
一徑盡岸絕兩壁對削成根虛無倒影垂澹瀨黑如灣
潭底清見光炯碎孤雲到來深飛鳥不在外高蘿成帷
幄寒木壘旌旆遠川曲通流嵌竇潛洩瀨造幽無人境
發興自我輩告歸遺恨多將老斯遊最閉藏脩鱗蟄出
入巨石礙何事炎天過快意風雨會

過小石潭

宋梅堯臣

樹老石連潭潭深煙翠入羣魚石下游獨鳥潭上立泉
暖草長綠山高風自急徘徊興不窮苔屐雲霑濕

鶴雀崖北龍潭

金元好問

層崖闕頽陰水木深以阻湍聲半空落洶洶如怒虎風
生木葉脫魄動不敢語何年渾沌竅靈物此棲處初從
一線溜開鑿到神禹雲雨鼓飛浪噴薄齊萬弩藏珠驪
龍頷百斛快一吐油油入無底細散不濡縷歸藏海有

穴汎溢愁下土南峰天一柱萬古鎮幽府江山有竒探
落景迫行旅多慙茹芝人終年看飛雨

龍潭

元好問

層冰積浩蕩陵谷互吞吐窈窕轉幽壑突兀開淨宇回
頭山水縣亦復墮塵土孤雲鐵梁北宇宙一仰俯風景
初不殊川塗忽脩阻寒潭海眼淨默黑自太古蟄龍何
年卧萬國待霖雨誰能裂蒼崖雷風看掀舉

夜汎渦河龍潭

金吳激

輕舟弄素月靜夜橫清渦天風毛髮亂疎星燦明河圖
經紀父老冥冥年歲多淵沈三十丈湛碧寒無波微流
帶文藻絕岸無柔莎炯如帝鴻鏡可鑒不可磨中蟠至
神物役使羣蛟鼉蜿蜿頭角古勁鬣誰能劇深宮照珠
貝頗費蚌與螺何時葛陂竹化作陶公梭

竹篠潭

明
張羽

凍雨不成雪客行利新晴迴睇三山外殘陽靄餘明江
神不揚波歸流澹且平使者誠寡德國家育威靈笳鼓

發中州權歌和且清醲酒凌長風篇翰倏已成常誦皇
華章征夫任匪輕愧無咨詢効何以答聖情

玉女潭

明馬愈

潭花散清香潭影照眉宇不見玉女容騎鸞杳何去丹
光罷青紅石屋亦輕舉惟有菰蒲根年年自春雨

五言律

對小潭寄遠上人

唐白居易

小潭澄見底閒客坐開襟借問不流水何如無念心彼

惟清且淺此乃寂而深是義誰能答明朝問道林

仙游潭

宋

蘇軾

翠壁下無路何年雷雨穿光搖巖上寺深到影中天我
欲然犀看龍應抱寶眠誰能孤石上危坐試僧禪

龜潭

宋

孫覲

擺落攀緣斷驅除磊塊平庭松敵老健潭水伴孤清待
月出時看尋雲起處行相隨木上坐徒倚到參橫

其二

蝸舍三間小龜泉一勺甘楞嚴潭不看彌勒久同龕龍潭
影千峰倒雲梢萬木參巖花自無主紅雨落毳毳

七言律

南潭

唐

李昌符

匝岸青蕪掩古苔面山亭榭枕潭開有時絃管收筵促
無數鳧鷖逐浪來路入龍祠羣木老風驚漁艇一聲迴
人傳郭惲多游此誰見當初泛玉杯

龍潭

唐

僧應物

石激懸流雪滿灣
五龍潛處野雲閒
暫收雷電九峰下
且斂谿潭一水間
浪引浮槎依北岸
波分曉日浸東山
回瞻四面如看畫
須信遊人不欲還

北潭

金史肅

竹陰松影玉蔥籠
十里平堤一徑通
碧水乍開新鏡面
青山都是好屏風
寒蟬高鳥清愁外
折葦枯荷小景中
酒力未多秋興逸
夕陽聊貸半林紅

五言絕句

春遊東潭

唐 盧綸

移舟試望家漾漾似天涯
日暮滿潭雪白鷗和柳花
與暢當夜泛秋潭

唐 盧綸

螢火颺蓮叢水涼多
夜風離人將落葉俱在一船中

鏡潭

唐 韓愈

非鑄復非鎔泓澄忽此逢
魚蝦不用避祇是照蛟龍

七言絕句

潭上作

唐 張喬

竹島殘陽映翠微
雪翎禽過碧潭飛
人間未有關身事
每到漁家不欲歸

過河龍潭

宋

歐陽脩

碧潭風定影涵虛
神物中藏岸不枯
一夜四郊春雨足
却來閒卧養明珠

舟過謝潭

宋

楊萬里

夾江百里少人家
最苦江流曲更斜
嶺草已青今歲葉
岸蘆猶白去年花

三井潭

宋 王十朋

源泉高似銀河落石井泓然鼎足分聞說井中龍已化
定從三級上青雲

夜泊蘆潭

明 汪本

石尤風動駐征帆千里孤光月正南翹首故林天一角
水禽相伴宿蘆潭

御定佩文齋詠物詩選卷九十九

欽定四庫全書薈要卷一萬八千七百二十二集部

御定佩文齋詠物詩選卷一百

洲類

五言古

百花洲

明僧道行

水灩接橫塘
華多礙舟路
波紅晴漾霞
沙白寒棲鷺
緣汀漁網集
隔渚菱歌度
不見昔遊人
風煙自朝暮

七言古

鸚鵡洲送王九遊江左

唐 孟浩然

昔登江上黃鶴樓，遙愛江中鸚鵡洲。
洲勢逶迤繞碧流，鴛鴦鸕鶒滿沙頭。
沙頭日落沙磧長，金沙熠熠動颼光。
舟人牽錦纜，浣女結羅裳。
月明全見蘆花白，風起遙聞杜若香。
君行采采莫相忘。

鸚鵡洲

唐 李白

鸚鵡來過吳江水，江上洲傳鸚鵡名。
鸚鵡西飛隴山去，芳洲之樹何青青。
煙開蘭葉香風暖，岸夾桃花錦浪生。

遷客此時徒極目長洲孤月向誰明

春洲曲

唐

溫庭筠

韶光染色如蛾翠綠濕紅鮮水容媚蘇小慵多蘭渚閒
融融浦日鷓鴣寐紫騮蹀躞金銜嘶堤上揚鞭煙草迷
門外平橋連柳堤歸來晚樹黃鶯啼

五言律

桑落洲

唐

李羣玉

九江寒露夕微浪北風生浦嶼漁人火蕪葭鳧鴈聲頽

雲晦廬岳微鼓辨溼城遠憶天邊弟曾從此路行

七言律

仙明洲口號

唐

李羣玉

長愛沙洲水竹居暮江春樹綠陰初浪翻新月金波淺
風捲輕雲玉葉疎半浦夜歌聞盪槩一星幽火照叉魚
二年此處尋佳句景物常輸楚客書

泊平江百花洲

宋

楊萬里

吳中好處是蘇州却為王程得勝遊半世三江五湖棹

十年四泊百花洲岸傍楊柳都相識
眼底雲山苦見畱
莫怨孤舟無定處
此身自是一孤舟

賦壺洲

元 虞 集

傳聞海上有元洲
曾是安期舊所遊
千頃白雲都種玉
一杯弱水不勝舟
魚龍夜護黃金鼎
鸞鵠晨朝紫綺裘
波浪不驚星斗近
步虛聲裏度清秋

為張壺洲賦壺洲

元 陳 旅

握日臺高雨氣收
扶桑涼影動瀛洲
珠林錯落三華露

寶稼離披五色秋
鄰曲夜機鮫有室
空中煙市蜃為樓
頗聞雲錦張高士
曾與壺公汗漫游

賦中書左曹小瀛洲

元張翥

東曹地迴集名郎
宛是仙家紫翠房
閭闔上通天咫尺
蓬萊移出海中央
金波日暖浮鳩鵲
玉樹春濃下鳳凰
幾度夢回清夜直
此身如在五雲鄉

六言絕句

過鴈洲

宋梅堯臣

船從鴈洲北去鴈背春風亦歸但見平沙綠水萋萋高荻
筍方肥

御定佩文齋詠物詩選卷一百

欽定四庫全書薈要卷一萬八千七百二十三

集部

御定佩文齋詠物詩選卷一百一

渡類

五言古

初至崖口

唐
宋之問

崖口衆山斷，欽崱聳天壁。
氣衝落日紅，影入春潭碧。
錦縷織苔蘚，丹青畫松石。
水禽泛容與，巖花飛的皪。
微路從此深，我來限于役。
惆悵情未已，羣峰暗將夕。

橫龍渡

唐 劉長卿

空傳古岸下曾見蛟龍去
秋水晚沈沈猶疑在深處
亂聲沙上石倒影雲中樹
獨繫扁舟樵人往來渡

七言古

古箭渡

明 程敏政

古箭渡頭春水急古箭舖下春泥濕
風吹一道雨微收黑壓四山雲未入
郵亭飯罷聞竹雞肩輿扶過蒼崖西
行人道側亂相指雨陣復來雲脚齊

五言律

早發壽安次永濟渡

唐

許渾

東西車馬塵鞞洛與咸秦山月夜行客水煙朝渡人樹
涼風浩浩沙淺石磷磷會待功名就扁舟寄此身

晚泊漢江渡

唐

劉畋

末秋雲木輕蓮拆晚香清雨下侵苔色雲涼出浪聲疊
帆依岸盡微照映堤明渡吏已頭白遙知客姓名

過鬢塘渡

宋

楊萬里

雪浪無堅岸，金沙有退痕。斷橋猶半版，漱樹欲枯根。為問新來漲，今年第幾番。昨來愁此渡，已濟不堪論。

泊白沙渡

宋真山民

日暮片帆落，渡頭生暝煙。與鷗分渚泊，邀月共船眠。燈影漁舟外，湍聲客枕邊。離懷正無奈，况復聽啼鵑。

過下杯渡

宋陳與義

夜宿下杯館，朝鳴一棹東。湖平天盡落，峽斷海橫通。冉冉雲隨舸，茫茫鳥遡風。仙人蓬島上，遙見我乘空。

曉渡

明
李言恭

煙樹曉棲鴉
長汀帶白沙
中流聊擊楫
新水悞浮槎
雲與人爭渡
春隨客到家
遙知飛綵日
開落石城花

七言律

利州南渡

唐
溫庭筠

澹然空水帶斜暉
曲島蒼茫接翠微
波上馬嘶看棹去
柳邊人歇待船歸
數叢沙草羣鷗散
萬頃江田一鷺飛
誰解乘舟尋范蠡
五湖煙水獨忘機

桃花渡

明沈貞

渡頭渾似曲江濱
誰種桃花隔世塵
紅雨綠波三月暮
暖風黃鳥數聲春
舟橫落日非無主
樹隔層霞不見人
幾欲前源訪仙跡
迷茫何處問通津

五言絕句

松滋渡

唐司空圖

步上短亭久看回
官渡船江鄉宜晚
霽楚老語豐年

芳草渡

唐皮日休

谿南越鄉首古柳渡江深日晚無來客閒船繫綠陰

七言絕句

涪陽渡

唐

司空圖

楚田人立帶殘暉驛迴邨幽客路微兩岸蘆花正蕭颯
渚煙深處白牛歸

晚渡

唐

陸龜蒙

半波風雨半波晴漁曲飄秋野調清各漾蓮船逗邨去
笠簷蓑袂有殘聲

北渡

陸龜蒙

江客柴門枕浪花
鳴機寒櫓任嘔啞
輕舟過去真堪畫
驚起鷓鴣一陣斜

過楊二渡

宋 楊萬里

春迹無痕可得尋
不將詩眼看春心
鶯邊楊柳鷗邊草
一日青來一日深

過仙人渡

宋 王十朋

此去神仙路不迷
直從洞口到桃蹊
仙人心境無名利

笑我頻年渡此谿

夜過黃泥渡

元許謙

夜深風息水安流
白鴈黃蘆滿眼秋
行李蕭蕭官櫂穩
卧看明月過真州

蘆子渡

明王守仁

百里晴沙江水長
蘆花風起碧天涼
客舟會泊西城下
滿地砧聲兩岸霜

御定佩文齋詠物詩選卷一百一

欽定四庫全書薈要卷一萬八千七百二十四 集部
御定佩文齋詠物詩選卷一百二

潮類

五言古

賦得觀潮

梁任昉

雲容雜浪起楚水漫吳流漸看遙樹沒稍見碧天浮
漁人迷舊浦海鳥失前洲不測滄溟曠輕鱗幸自游

五言律

淮潮

宋 梅堯臣

汐潮如有信時向舊痕生始覺回波定還看曲渚平舞
鷗隨上下寒日共浮傾後夜人無寐遙聽入浦聲

五言排律

樟亭觀潮

唐 宋 昱

濤來勢轉雄獵獵駕長風雷震雲霓裏山飛霜雪中激
流高失岸吹澇上侵空翕闢乾坤異盈虛日月同餘艍
從陸起洲渚隔阡通跳沫噴巖翠翻波帶景紅怒湍初

抵北却浪復歸東寂聽堪增勇晴看自發蒙伍生傳或
謬枚叟說難工來信應無已申威亦匪窮衝騰如決勝
迴合似相攻委質任平視誰能涯始終

七言律

觀潮

唐
朱慶餘

木落霜飛天地清
空江百里見潮生
鮮飈橫海魚龍氣
晴雪噴山雷鼓聲
雲日半陰川漸滿
客帆皆過浪難平
高樓曉望無窮意
丹葉黃花遶郡城

沂潮

宋蘇轍

匹練縈回出海門，黃泥先變碧波渾。
初來似欲傾滄海，正滿真能倒百川。
流枿飛騰竟何在，扁舟睥睨久仍存。
自慚不作山林計，來往終隨萬物奔。

海潮圖

宋樓鑰

錢塘佳月照青霄，壯觀仍看半夜潮。
每恨形容無健筆，誰知收拾在生綃。
蕩搖直恐三山沒，咫尺真成萬里遙。
金闕峒堯天尺五，海王自合日來朝。

次韻魯參政觀潮

元柳貫

怒濤卷雪過樟亭人立西風酒旆青日轂行天浮左界
地機激水出東溟倒排山嶽窮千變闔闢雲雷竦百靈
望海樓頭追勝賞坐中賓衆弁如星

漁浦春潮

元錢惟善

江漲夜來高幾尋輕濤拍岸失蹄涔遲明帆發星灘遠
盡日舟橫雨渡深杜若風回蘋鯉上桃花浪起白鷗沈
越人艇子來何處款乃時聞空外音

錢塘觀潮

元 仇 遠

一痕初見海門生
頃刻長驅作怒聲
萬馬突圍天鼓碎
六鼇翻背雪山傾
遠朝魏闕心猶在
直上嚴灘勢始平
寄語吳兒休踏浪
天河罔象正縱橫

七言絕句

潮

唐 白居易

早潮纔落晚潮來
一月周流六十迴
不獨光陰朝復暮
杭州老去被潮催

御定佩文齋詠物詩選卷一百二

欽定四庫全書蒼要卷一萬八千七百二十五

集部

御定佩文齋詠物詩選卷一百三

池類 附沼

五言古

首夏泛天池

梁武帝

薄遊朱明節泛漾天淵池
舟楫互容與藻蘋相推移
碧沚紅菡萏白沙青漣漪
新波拂舊石殘花落故枝
葉軟風易出草密路難披

山池

梁簡文帝

日暮芙蓉水聊登鳴鶴舟飛鱸飾羽氈長幔覆緹油停
輿依柳息住蓋影空留古樹橫臨沼新藤上挂樓游魚
向閣集戲鳥逗楂流

山池應令

梁庾肩吾

閨苑秋光暮金塘收潦清荷低芝蓋出浪涌燕舟輕逆
湍流棹唱帶谷聚茄聲野竹交臨浦山桐迴出城水逐
雲峰閣寒隨殿影生

北寺寅上人房望遠岫翫前池

梁王筠

安期逐長往交甫稱高讓遠跡入滄溟輕舉馳崑閬良
由心獨善兼且情遊放豈若尋幽棲即目窮清曠激水
周堂下屯雲塞檐向閉牖聽奔濤開窓延疊嶂前堦復
虛浴瀾迤成洲漲雨點散圓文風生起斜浪游鱗互瀆
潏羣飛皆哢吭蓮葉蔓田田菱花動搖漾浮光曜庭廡
流芳襲帷帳匡坐足忘懷詎思江海上

山池應令

陳徐陵

畫舸圖仙獸飛舡挂采旂榜人事金漿釣女飾銀鈎細
萍時帶檝低荷乍入舟猿啼知谷晚蟬咽覺山秋

和灵法師游昆明池

北周庾信

游客重相懽連鑣出上蘭值泉傾蓋飲逢花駐馬看平
湖泛玉軸高堰歇金鞍半道聞荷氣中流覺水寒

其二

秋光麗晚天鷁舸泛中川密菱障浴鳥高荷沒釣船碎

珠縈斷菊殘絲繞折蓮落花催斗酒栖烏送一絃

奉和山池

庾信

樂宮多暇豫望苑暫迴輿鳴笳陵絕浪飛蓋歷通渠桂
亭花未落桐門葉半疎荷風驚浴鳥橋影聚行魚日落
含山氣雲歸帶雨餘

同會河陽公新造山池聊得寓目

庾信

橫階仍鑿澗對戶即連峰暗石疑藏虎盤根似卧龍沙

洲聚亂荻洞口礙橫松引泉恒數派開巖即十重北閣
聞吹管南鄰聽擊鐘菊寒花正合杯香酒絕濃由來魏
公子今日始相逢

南池

唐
杜
甫

崢嶸巴閬間所向盡山谷安知有蒼池萬頃浸坤軸呀
然閬城南枕帶巴江腹芰荷入異縣稷稻共比屋皇天
不無意美利戒止足高田失西成此物頗豐熟清源多
衆魚遠岸富喬木獨歎楓香林春時好顏色南有漢王

祠終朝走巫祝歌舞散靈衣荒哉舊風俗高堂亦明王
魂魄猶正直不應空陂上縹緲親酒食淫祀自古昔非
唯一川瀆干戈浩茫茫地僻傷極目平生江海興遭亂
身局促駐馬問漁舟躊躇慰羈束

同韓侍郎遊鄭家池吟詩小飲

唐

白居易

野艇容三人晚池流浼浼悠然倚棹坐水勢如江海宿
雨洗沙塵晴風蕩煙靄殘陽上竹樹枝葉生光彩我本

偶然來景物如相待白鷗驚不起綠芡行堪採齒髮雖
已衰性靈未云改逢詩遇杯酒尚有心情在

官舍內新鑿小池

白居易

簾前開小池盈盈水方積中底鋪白沙四隅甃青石勿
言不深廣但足幽人適泛灑微雨朝泓澄明月夕豈無
大江外波浪連天白未如牀席間方丈深盈尺清淺可
狎弄昏煩聊漱滌最愛曉暝時一片秋天碧

秋池

白居易

朝衣薄且健晚簟清仍滑社近燕影稀雨餘蟬聲歇閒
中得詩境此境幽難說露荷珠自傾風竹玉相戛誰能
一同宿共玩新秋月暑退涼早歸池邊好時節

泛春池

白居易

白蘋湘渚曲綠篠剡谿口各在天一涯信美非吾有何
如此庭內水竹交左右霜竹百千竿煙波六七畝泓澄
動堦砌澹泞映戶牖虵皮細有紋鏡面清無垢波上一
葉舟舟中一樽酒或繞蒲浦前或泊桃島後未撥落杯

花低衝拂面柳半酣迷所在倚榜兀迴首不知此何處
復是人寰否

天池

明高啟

靈峰可度難昔聞枕中書天池在其巔每出青芙蓉湛
如玉女盆雲影含夕虛人靜時飲鹿水寒不生魚我來
屬始春石壁煙霞舒灑灑月出後泠泠雪銷餘再泛知
神清一酌欣慮除何當逐流花遂造仙人居

七言古

淋池歌

漢昭帝

秋素景兮泛洪波
揮纖手兮折芰荷
涼風淒淒揚棹歌
雲光開曙月低河
萬歲爲樂豈云多

池上作

唐白居易

西谿風生竹森森
南潭萍開水沈沈
叢翠萬竿湘岸色
空碧一泊松江心
浦派縈迴誤遠近
橋島向背迷窺臨
澄瀾方丈若萬頃
倒影咫尺如千尋
泛然獨遊邈然坐
坐念行思心古今
菟裘不聞有泉沼
西河亦恐無雲林

豈如白翁退老地樹高竹密池塘深華亭雙鶴白矯矯
太湖四石青岑岑眼前盡日更無客膝上此時唯有琴
洛陽冠蓋自相索誰肯來此同抽簪

太液池歌

唐
溫庭筠

腥鮮龍氣連清防花風漾漾吹細光疊瀾不定照天井
倒影蕩搖晴翠長平碧淺春生綠塘雲容雨態連青蒼
夜深銀漢通柏梁二十八宿朝玉堂

五言律

和韋承慶過義陽公主山池

唐 杜審言

賞玩竒他日高深愛此時池分八水背峰作九山疑地
靜魚偏逸人間鳥欲欺青谿留別興更與白雲期

詠池

唐 李嶠

綵棹浮太液清觴醉習家詩情對明月雲曲拂流霞煙
散龍形淨波含鳳影斜安仁動秋興魚鳥思空賒

唐都尉山池

唐 崔湜

曲渚颺輕舟前谿釣晚流雁翻蒲葉起魚撥荇花游金

子懸湘柚珠房拆海榴幽尋惜未已清月半西樓

從岐王夜讌衛家山池應教

唐王維

座客香貂滿宮娃綺幔張澗花輕粉色山月小燈光積
翠紗窓暗飛泉繡戶涼還將歌舞出歸路莫愁長

和尹諫議史館山池

王維

雲館接天居霓裳侍玉除春池百子外芳樹萬年餘洞
有仙人籙山藏太史書君恩深漢帝且莫上空虛

晚秋陪嚴鄭公摩訶池泛舟得溪字

唐
杜 甫

湍駛風醒酒船迴霧起隄高城秋自落雜樹晚相迷坐
觸鴛鴦起巢傾翡翠低莫須驚白鷺爲伴宿清谿

蘇著作山池

唐
賈彥璋

水樹子雲家蓬瀛宛不賒芥浮舟是葉蓮發岫爲花酌
蟻開春甕觀魚憑海槎遊蘇多石友題贈滿瑤華

觀袁侍郎漲新池

唐
盧 綸

引水香山近穿雲復繞林纔聞籬外響已覺石邊深滿

處侵苔色澄來見柳陰微風月明夜知有五湖心

陪中書李紆舍人夜泛東池

盧綸

看月復聽琴移舟出樹陰夜邛機杼急秋水芰荷深石
靜龜潛上萍開菓暗沈何言奉盃酒得見五湖心

早春遊慈恩南池

唐司空曙

山寺臨池水春愁望遠生踏橋逢鶴起尋竹值泉橫新
柳絲猶短輕蘋葉未成還如虎丘上日暮伴僧行

旦攜謝山人至愚池

唐柳宗元

新沐換輕幘曉池風露清自諧塵外意况與幽人行霞
散衆山迴天高數雁鳴機心付當路聊適羲皇情

和令公新開龍泉晉水二池

唐

白居易

舊有潢汙泊今爲白水塘笙歌聞四面樓閣在中央春
變煙波色晴添樹木光龍泉信爲美莫忘午橋莊

晚題東林寺雙池

白居易

向晚雙池好初晴百物新裊枝翻翠羽濺水躍紅鱗萍
汎同遊子蓮開當麗人臨流一惆悵還憶曲江春

南池

白居易

蕭條微雨絕荒岸抱清源入舫山侵塞分泉稻接邗秋
聲依樹色月影在蒲根淹泊方難遂他宵闕夢魂

泛觴池

唐薛能

通咽遠華罇泛觴名自君靜看籌見影輕動酒生紋細
滴隨杯落來聲就浦分便應半酣後清冷漱寒雲

官池上

唐僧無可

迴疏城闕內寒瀉出雲波岸廣山魚到汀閒海鷺過汎

溝侵道急流葉入宮多移舸浮中止清宵徹曉河

陪姚合游金州南池

僧無可

柳暗清波漲衝萍復漱苔張筵白鳥起掃岸使君來洲
島秋應沒荷花晚盡開高城吹角罷駟馭尚徘徊

假山小池

宋陸游

蓮嶽三峰峙桃源一路分池偷鏡湖月石帶沃洲雲魚
隊深猶見禽聲靜更聞巖幽林箐密疑可下湘君

亭前引水名曰墨池

明楊慎

金潭朝洗菊玉甃暖滋蘭何如元趾水分作墨池瀾煙
雲生几席星斗宿闌干問字休携酒仙家沆瀣寒

太液池

明 馬汝驥

碧苑西連闕瑤池北映空象垂河漢表氣與斗牛通鯨
躍如翻石鼇行不斷虹蒼茫觀海日朝會百川同

白丈自杭州歸要遊天池

明 王穉登

桃花零落盡游賞與君同僧住松聲裏鶯啼石壁中巖
光晴處紫池色晚來空莫把琵琶奏尊前有白公

侍上奉聖母觀九龍池

明夏言

駐蹕靈湫上依巖帳殿開雨從龍洞作雲擁鳳輿來玉
竇春鳴溜金潭晝殷雷翠華清樾下天語賜徘徊

五言排律

和許侍郎遊昆明池

唐李百藥

神池望北極滄波接遠天儀星似河漢落景類虞泉年
深平館宇道秦偃戈船差池下鳧雁掩映生雲煙浪花
開已合風文直且連稅馬金堤外橫舟石岸前羽觴傾

綠蟻飛日落紅鮮積水浮深智明珠耀雅篇大鯨方遠
擊沈灰獨未然知君嘯儔侶短翮徒聯翮

奉和晦日幸昆明池應制

唐宋之問

春豫靈池會滄波帳殿開舟凌石鯨度槎拂斗牛迴節
晦冀全落春遲柳暗催象溟看浴景燒劫辨沈灰鎬飲
周文樂汾歌漢武才不愁明月盡自有夜珠來

昆明池侍宴應制

唐沈佺期

武帝伐昆明穿池習五兵水同河漢在館有豫章名我

后光天德垂衣文教成
躅兵非帝念勞物豈皇情
春仗過鯨沼雲旂出鳳城
靈魚銜寶躍仙女廢機迎
柳拂旌門暗蘭依帳殿生
還如流水曲日晚棹歌聲

恩勅尚書省寮宴昆明池應制同用堯字

唐

張嘉貞

雲沼初開漢神池
舊浴堯昔人徒習武明代此聞韶地
脈山川勝天恩
雨露饒時光牽利舸
春淑覆柔條芳醞
醒千日華牋落九霄
幸承歡賚重不覺醉歸遙

奉和晦日幸昆明池應制

唐蘇頌題

炎曆事邊陲
昆明始鑿池
豫遊光後聖
征戰罷前規
霽色清珍宇
年芳入錦陂
御杯蘭薦葉
仙仗柳交枝
二石分河瀉
雙珠代月移
微臣比翔泳
恩廣自無涯

安德山池宴集

唐岑文本

甲第多清賞
芳辰命羽卮
書帷通竹逕
琴臺枕槿籬
池疑夜壑徙
山似鬱洲移
雕楹網蘿薜
激瀨合墳簏
鳥戲翻新葉
魚躍動清漪
自得淹留趣
寧勞攀桂枝

賦得曲池潔寒流

唐崔立之

閒尋故岸步因向曲池看透底何澄澈迴流乍屈盤稍
隨高樹古迥與遠天寬月入鏡華轉星臨珠影寒纖鱗
時蔽石轉吹或生瀾願假涓微效來濡拙筆端

和范郎中宿直中書省曉玩新池贈南省同寮

兩垣遺補

唐錢起

青瑣留才子春池靜禁林自矜仙島勝宛在掖垣深引
派彤庭裏含虛玉砌陰漲來知聖澤清處見天心蘭氣

飄紅岸文星動碧潯鳳棲長近日虬卧欲爲霖席寵雖
高位流謙乃素襟焚香春漏盡假寐曉鶯吟丹地宜清
泚朝陽復照臨司言兼逸趣鼓興接知音六義驚摘藻
三臺響擲金爲憐風水外落羽此漂沈

晦日益州北池侍宴

唐
司空曙

臨泛從公日仙舟翠幙張七橋通碧沼雙樹接花塘玉
燭收寒氣金波隱夕光野聞歌管思水靜綺羅香遊騎
縈林遠飛橈截岸長郊源懷灞澹陂漾寫江潢常侍傳

花詔偏裨問羽觴
豈令南峴首千載播餘芳

春池閒泛

唐白居易

綠塘新水平
紅檻小舟輕
解纜隨風去
開襟信意行
淺憐清演漾
深愛綠澄泓
白撲柳飛絮
紅浮桃落英
古文料斗出新
葉剪刀生
樹集鷺朋友
雲行鴈弟兄
飛沈皆適性
酣詠自怡情
花助銀杯氣
松添玉軫聲
魚游何事樂
鷗起復誰驚
莫唱滄浪曲
無塵可濯纓

遊宣義池亭

唐姚合

春入池亭好風光暖更鮮尋芳行不困逐勝坐還遷細
草亂如髮幽禽鳴似絃苔文翻古畫石色學秋天花落
能漂酒萍開解避船暫來猶愈疾久住合成仙迸筍搯
堦起垂藤壓樹偏此生應借看自計買無錢

乾符丙申歲春奉詔漲曲江池

唐
鄭谷

玉澤尚通津恩波此日新深疑一夜雨宛似五湖春汎
灩翹振鷺澄清躍紫鱗翠低孤嶼柳香失半汀蘋鳳輦

尋佳境龍舟命近臣桂華如入手願作從遊人

省試奉詔漲曲江池

唐黃滔

池脈寒來淺恩波住後新引將諸派水別貯大都春幽
咽疏通處清冷迸入辰漸平連杏岸旋闊映梅津沙沒
迷行徑洲寬恣躍鱗願當舟楫便一附濟川人

七言律

興慶池侍宴應制

唐沈佺期

碧水澄潭映遠空紫雲香駕御微風漢家宮闕疑天上

秦地山川似鏡中
向浦迴舟萍已綠
分林蔽殿槿初紅
古來徒羨橫汾賞
今日宸遊聖藻雄

奉和聖製龍池篇

沈佺期

龍池躍龍龍已飛
龍德先天天不違
池開天漢分黃道
龍向天門入紫微
邸第樓臺多氣色
君王鳧雁有光輝
爲報寰中百川水
來朝此地莫東歸

興慶池侍宴應制

唐李乂

神池汎濫水盈科
仙蹕紆徐步輦過
縱棹洄浴萍溜合

開軒眺賞麥風和潭魚在藻欣游泳谷鳥含櫻入賦歌
寄謝乘槎濱海客回頭來此問天河

奉和中宗皇帝幸興慶池戲競渡應制

唐
李適

拂露金輿丹旆轉凌晨黼帳碧池開南山倒影從雲落
北澗遙光寫浪回急舸爭標排荇度輕帆截浦觸荷來
橫汾燕鎬歡無極歌舞年年聖壽杯

興慶池侍宴應制

唐
馬懷素

積水逶迤繞貝城含虛皎鏡有餘清
圖雲曲榭連緹幕映日中塘間綵旌
賞洽猶聞簫管沸歡留更覩木蘭輕
無勞海上尋仙客即有蓬萊在帝京

興慶池侍宴應制

唐武平一

鸞輿羽駕直城隈帳殿金門此地開
皎潔靈潭圖日月參差畫舸結樓臺
波搖岸影隨橈轉風送荷香入酒來
願奉聖情歡不極長遊雲漢幾昭回

奉和中宗皇帝幸興慶池競渡應制

唐
徐彥伯

夾道傳呼翊翠虬
天迴地轉御芳洲
青潭曉靄籠仙蹕
紅嶼晴花隔綵旒
香溢金杯環廣坐
聲傳妓舸匝中流
羣臣相慶嘉魚樂
共晒橫汾歌吹秋

興慶池侍宴應制

唐
韋元旦

滄池潏沆帝城邊
殊勝昆明鑿漢年
夾岸旌旗疏輦道
中流簫鼓振樓船
雲峰四起迎宸幄
水樹千重入御筵
宴樂已深魚藻詠
承恩更欲奏甘泉

奉和聖製龍池篇

唐崔日用

龍興白水漢興符聖主時乘運斗樞岸上芊茸五花樹
波中的皦千金珠操環昔聞迎夏啟發匣先來瑞有虞
風色雲光隨隱見赤雲神化象江湖

奉和聖製龍池篇

唐盧懷慎

代邸東南龍或躍清泉碧浪遠浮天樓臺影就波中出
日月光疑鏡裏懸雁沼回流成舜海龜書靈祉應堯年
大川既濟慚爲楫報德空思奉細涓

奉和聖製龍池篇

唐裴瓘

乾坤啟聖吐龍泉
泉水年年勝一年
始看魚躍方成海
即睹龍飛利在天
洲渚遙將銀漢接
樓臺直與紫微連
休氣榮光恒不散
懸知此地是神仙

興慶池侍宴應制

唐張說

靈池月滿直城隈
黼帳天臨御路開
東沼初陽疑吐出
南山曉翠若浮來
魚龍百戲分容與
鳧鷖雙舟較泝洄
願似金堤青艸馥
長承瑤水白雲杯

興慶池侍宴應制

唐蘇頲

降鶴池前迴步輦，棲鸞樹杪出行宮。
山光積翠遙疑逼，水態含青近若空。
直視天河垂象外，俯窺京室畫圖中。
皇情未使恩波極，日暮樓船更起風。

酬裴相公題興化小池見招長句

唐白居易

愛爲小塘招散客，不嫌老監與新詩。
山公倒載無妨學，范蠡扁舟未要追。
蓬斷偶飄桃李徑，鷗驚悞拂鳳凰池。

敢辭課拙訓高韻一勺爭禁萬頃陂

憶春日太液池東亭候對

唐李紳

宮鶯曉報瑞煙開三島靈禽拂水迴橋轉綵虹當綺殿
檻浮花鷓近蓬萊艸承步輦王孫長桃艷仙顏阿母裁
簪筆此時方侍從却思金馬笑鄒枚

習池晨起

唐皮日休

清曙蕭森載酒來涼風相引繞亭臺數聲翡翠背人去
一朶芙蓉含日開芰葉深深埋釣艇魚兒漾漾逐流杯

竹屏風下登山屐十宿高陽忘却迴

于秀才小池

唐方干

一泓澱澀復澄明半日工夫斲小庭
占地未過三五尺浸天唯入兩三星
鷁舟草際浮霜葉漁火沙邊駐水螢
纔見規模試方寸知君立意在滄溟

元祐七年三月上巳詔賜館閣官花酒以中澣

日遊金明池

宋秦觀

春溜泱泱初滿池晨光欲轉萬年枝
樓臺四望煙雲合

簾幕千家錦繡垂
風過忽聞花外笑
日長時奏水中嬉
太平誰謂全無象
寓在羣仙把酒時

魚池將酒車水注之

宋陸游

清波溜溜入新渠
鄰曲來觀樂有餘
試手便同三日雨
滿陂已活十千魚
喜如雷動風行際
快若天開地闢初
萬物但令俱有託
吾曹安取愛吾廬

芳池春水

明倪岳

芳池一曲接銀河
分得天家雨露多
新漲受風牽翠縠

好山隨月墮青螺百年蘋藻沾餘澤三月魚龍湧漫波
猶記臨流泛春酌倚闌同和濯纓歌

五言絕句

萍池

唐王維

春池深且廣會待輕舟迴靡靡綠萍合垂楊掃復開

題灞池

唐王昌齡

開門望長川薄暮見漁者借問白頭翁垂綸幾年也

玉鑑池

明高啟

一鏡寒光定微風吹不波更除荷芰影放取月明多

七言絕句

過大哥山池題石壁

唐明皇

澄潭皎鏡石崔嵬萬壑千巖暗綠苔林亭自有幽真趣
况復秋深爽氣來

題韋家泉池

唐白居易

泉落青山出白雲縈邨遶郭幾家分自從引作池中水
深淺方圓一任君

白蓮池泛舟

白居易

白藕新花照水開
紅窓小舫信風回
誰教一片江南興
逐我殷勤萬里來

盆池

唐崔少卿

浮萍重疊水團圓
客遶千遭屐齒痕
莫驚池裏尋常滿
一井寒泉是上源

侍郎宅泛池

唐徐凝

蓮子花邊回竹岸
雞頭葉上盪蘭舟
誰知洛北朱門裏

便到江南綠水流

野池

唐王建

野池水滿連秋隄
菱花結實蒲葉齊
川口雨晴風復止
蜻蜓上下魚東西

齊安郡後池

唐杜牧

菱透萍浮綠錦池
夏鶯千轉弄薔薇
盡日無人看微雨
鴛鴦相對浴紅衣

參軍廳新池

唐薛能

簾外無塵勝物外牆根有竹似山根流泉不至客來久
坐見新池落舊痕

涼榭池上

宋 韓琦

游鱗驚觸綠荷香水馬成群股脚長逐浪相追留篆跡
偃波垂露滿方塘

小池

宋 歐陽修

深院無人鑠曲池莓苔繞岸雨生衣綠萍合處蜻蜓立
紅蓼開時蛺蝶飛

冰池

宋蘇軾

不嫌冰雪繞池看
誰似詩人巧耐寒
記取羲之洗硯處
碧琉璃下黑蛟蟠

作盆池養科斗數十戲作

宋陸游

小小盆池不畜魚
題詩聊記破苔初
未聽兩部鼓吹樂
且看一篇科斗書

小池

宋楊萬里

泉眼無聲澀細流
樹陰照水愛晴柔
小荷纔露尖尖角

早有蜻蜓立上頭

附沼

五言絕句

胡蘆沼

唐
張籍


曲沼春流滿新蒲映野鷺閑齋朝飯後拄杖繞行多

胡蘆沼

唐
韋處厚

疏鑿徒爲巧圓窪自可澄倒花紛錯秀鑑月靜涵冰

御定佩文齋詠物詩選卷一百三



總校官庶吉士臣侍朝

校對官檢討臣蕭九成

騰錄監生臣魏世鼎

騰錄監生臣朱文佐